

**ՏԱՐԲԵՐ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ ՍՈՎՈՐՈՂՆԵՐԻ
ՖԻԶԻԿԱԿԱՆ ՋԱՐԳԱՅՄԱՆ**

ԵՎ ՍՈՐՈՋԱԿԱՆ ՎԻՃԱԿԻ ԱՌԱՆՁՆԱՀԱՏՎՈՒԹՅՈՒՆՆԵՐՈ

Լ.Ռ Ավետիսյան

Մ.Հերացու անվան Երևանի պետական բժշկական համալսարանի

պրոֆիլային հիգիենաների ամբիոն

375025, Երևան, Կորյունի 2

Հանգուցային բառեր. ֆիզիկական զարգացում, առողջական վիճակ, աշակերտ, ինտենսիվ ուսուցում

Հայաստանի կրթական համակարգը բարեփոխման ընթացքի մեջ է: Դպրոցներում մանկավարժական գործընթացի ինտենսիվացումը, ուսուցման ժամանակակից մեթոդների որոնումը հրատապ են դարձրել սովորողների առողջության պահպանման ու ամրապնդման խնդիրների հարցում մանկավարժների և բժիշկների համագործակցությունը:

Մանկավարժական ստեղծագործության ազատությունն այսօրվա ուսուցչին հնարավորություն է ընձեռում հայտնաբերելու և կիրառելու ուսուցման և դաստիարակության առավել արդյունավետ, օպտիմալ մեթոդներ և հնարքներ, մտնելու նորանոր ճգնաժամներ մինչև այժմ եղած ուսումնական ծրագրերի մեջ, կազմակերպելու փորձարարական հետազոտական այնպիսի աշխատանքներ, որոնք կնպաստեն այսօրվա գործունեության կարգավորմանը: Սակայն ցանկացած նորություն, որ կապված է ուսումնական ծանրաբեռնվածության կամ ուսումնական ռեժիմի որևէ էլեմենտի փոփոխման հետ, ցանկալի է և անհրաժեշտ համաչափաբանել առողջապահական մարմինների հետ, այլապես առանց լուրջ գիտական հետազոտությունների արդյունքի հիման վրա արված փոփոխությունները կարող են բերել աճող օրգանիզմի առողջական վիճակի վատացման [1-10]:

Այսօր Հայաստանի Հանրապետությունում գործում են տարբեր ուսումնական ռեժիմներով աշխատող նոր տիպի դպրոցներ, որտեղ ուսումնական նոր ծանրաբեռնվածության հետ միասին կիրառվում են ուսուցման նոր մեթոդներ:

Զգալաթիվ հետազոտություններ, որոնք ուղղված են եղել աճող օրգանիզմի առողջական վիճակի վրա «դպրոցական գործունի» ազդեցության ուսումնասիրությանը, ցույց են տվել, որ ուսումնական ռեժիմի հիգիենիկ նորմերի խախտումները բերում են սովորողների առողջական վիճակի վատացման:

Նյութը և մեթոդները

Հոդվածում ներկայացված աշխատանքը նպատակ է հետապնդել հետազոտել և գնահատել 4 տարբեր տիպի դպրոցների VIII –X դասարաններում սովորող երեխաների օրվա ռեժիմի, ֆիզիկական զարգացման և առողջական վիճակի առանձնահատկությունները:

Ուսումնական տարվա սկզբում և վերջում հետազոտվել են աշակերտների առողջական վիճակը, ըստ Երեխաների և դեռահասների Մոսկվայի գիտահետազոտական ինստիտուտի

կողմից առաջարկված մեթոդիկայի, ֆիզիկական վարճացումը գնահատվել է ըստ մորֆոֆունկցիոնալ ստատուսի ներդաշնակության, ինչպես նաև կենսաքանական և օրացույցային տարիքների համապատասխանության որոշմամբ՝ ելնելով Երևան քաղաքի դպրոցականների սեռահասակային ստանդարտներից: Օրվա ռեժիմը ուսումնասիրվել է մեր կողմից կազմված հարցաթերթիկների միջոցով: Ուսումնական 4 տարբեր հաստատություններում հետապնդվել են յուրաքանչյուրում՝ 180-230 աշակերտ:

Հանրապետությունում գործող իր տեսակի մեջ եզակի դպրոց՝ Ա. Ժիրակյան անվան կրթահամալիր (թիվ 1 դպրոց) հաճախում են հատուկ ընդունակություններով օժտված երեխաներ, որտեղ ուսուցման ինտենսիֆիկացումը պայմանավորված է ոչ միայն դասաժամերի և առարկաների քանակական, այլև ծրագրային կյուրերի բովանդակային աճով, ինչպես նաև դասավանդման նոր մեթոդիկաների ներդրմամբ: Ֆիզիկա-մաթեմատիկական գիշերօթիկ դպրոցում (թիվ 2 դպրոց) ինտենսիվ ուսուցանում են միայն ֆիզիկա-մաթեմատիկական առարկաները: Այստեղ դասավանդումն ընթանում է ավանդական մեթոդներով: «Զվանտ» մասնավոր գիմնազիայում (թիվ 3 դպրոց) նույնպես, ինչպես թիվ 1 դպրոցում, ուսումնական պրոցեսն ինտենսիֆիկացված է, բայց այստեղ հաճախում են ինչպես բարձր, այնպես էլ սովորական ընդունակություններով օժտված երեխաներ: Թիվ 4 դպրոցը հանրակրթական միջնակարգ դպրոց է, և ծառայել է որպես ստուգիչ խումբ:

Արդյունքները և քննարկումը

Թվարկված դպրոցներում տարբեր են ուսումնական ռեժիմները: Այսպես՝ թիվ 1 դպրոցում դասավանդվում է օրը երեք առարկա 2-ական ժամով և 5 ընդմիջումով, 70 օր տևողությամբ, իսկ մնացած դպրոցներում գործում է ուսուցման ավանդական ռեժիմը:

Աղյուսակ 1

Տարբեր ուսումնական հաստատություններում սովորողների կենսաքանական վարճացման մակարդակը (%)

Կենսաքանական վարճացման մակարդակը	Ուսումնական հաստատություններ			
	Թիվ 1	Թիվ 2	Թիվ 3	Թիվ 4
Կենսաքանական տարիքը համընկնում է օրացույցային տարիքին	81.4	77.3	69.3	67.4
Կենսաքանական տարիքը գերազանցում է օրացույցային տարիքը	9.8	17.3	18.2	12.2
Կենսաքանական տարիքը ետ է մնում օրացույցային տարիքից	8.8	5.4	12.5	20.4
Աշակերտների ընդհանուր թիվը	205	185	192	181

Հարցաթերթիկների վերլուծությունը պարզեց, որ այս դպրոցների (հատկապես թիվ 1 և թիվ 3) աշակերտների մոտ առկա են օրվա ռեժիմի կոպիտ խախտումներ, որոնք արտահայտվում են դասապատրաստումներին տրամադրվող ժամանակի երկարացմամբ՝ գիշերային քնի հաշվին, հանգստի, մաքուր օդում մնալու ժամանակի կրճատմամբ: Ֆիզիկական վարժապան գնահատման ժամանակ ստացած մեր տվյալները համընկնում են գրականության տվյալներին:

Ինչպես երևում է աղ. 1-ից երեխաների հիմնական մասի մոտ կենսաբանական և օրացույցային տարիքները համընկնում են: Կենսաբանական տարիքը գերազանցում է օրացույցային տարիքին թիվ 1 և թիվ 3 դպրոցների աշակերտների մոտ:

Աղյուսակ 2

Տարբեր ուսումնական հաստատություններում սովորողների մորթոֆունկցիոնալ վիճակը (%)

Մորթոֆունկցիոնալ վիճակը	Ուսումնական հաստատություններ			
	Թիվ 1	Թիվ 2	Թիվ 3	Թիվ 4
Ներդաշնակ	66.8	72.4	63.5	60.0
Աններդաշնակ	28.3	24.3	26.7	27.6
Խիստ աններդաշնակ	4.9	3.3	8.9	12.2
Դպրոցականների ընդհանուր թիվը	205	185	192	181

Ըստ մորթոֆունկցիոնալ վարժապան, տարբեր հաստատություններում սովորող ներդաշնակ վարժապան ունեցող աշակերտների թիվը ամենամեծն է թիվ 2 դպրոցում (աղ. 2): Աններդաշնակ և խիստ աններդաշնակ վարժապանք երեխաները քաժանվեցին հետևյալ կերպ.

Ուսումնական տարվա ընթացքում ներդաշնակ ֆիզիկական վարժապան ունեցողների թիվը թիվ 1 դպրոցում պակասել է 3 անգամ, իսկ աններդաշնակ վարժապան ունեցողների թիվը ընդհակառակը՝ ավելացել է 2.2 անգամ:

Առողջական վիճակի վերլուծությունը ցույց տվեց, որ դպրոց ընդունվելիս թիվ 1 դպրոցի աշակերտներն ունեին առողջական վիճակի ավելի բարձր ցուցանիշներ (ստուգիչ խմբի համեմատությամբ 1.7 անգամ), որը ըստ հարցաթերթիկներից ստացված տվյալների քայքայվում է այդ դպրոցականների սոցիալապես ավելի լավ պաշտպանվածությամբ, ծնողների կրթությամբ, ինչպես նաև հանրակրթական դպրոցի ծրագրերի հեշտ յուրացմամբ: Սակայն ուսուցման 3 տարիների ընթացքում առողջական վիճակի կորուստն ավելի մեծ է թիվ 1 և թիվ 3 դպրոցներում: Այսպես՝ եթե I առողջական խումբ ունեցող երեխաների թիվ 1 դպրոցում պակասել է 2.6 անգամ, իսկ թիվ 3 դպրոցում՝ 2.2 անգամ, ապա III առողջական խմբում, ընդհակառակը, ավելացել է համապատասխանաբար 2 և 2.8 անգամ: Թիվ 2 և թիվ 4

դպրոցներում այդ փոփոխությունները եական չեն և կազմում են համապատասխանաբար՝ 1.1 և 1.3 I և 1.3 և 1.3 III առողջական խմբերում:

Այսպիսով, բարձր ուսումնական ծանրաբեռնվածությամբ աշխատող դպրոցներում, որտեղ ուսման ինտենսիֆիկացումը զուգորդվում է նաև ուսումնա-դաստեարակչական ռեժիմի կոպիտ խախտումներով, հանգեցնում են առողջական վիճակի վատթարացման, ուստի սովորողների համար անհրաժեշտ է մշակել բժշկամանկավարժական դիֆերենցիալ մոտեցում կապված ուսումնական ծանրաբեռնվածության, օրվա ռեժիմի և բժշկական սպասարկման հետ:

Поступила 21.05.01

ФИЗИЧЕСКОЕ РАЗВИТИЕ И СОСТОЯНИЕ ЗДОРОВЬЯ ШКОЛЬНИКОВ, ОБУЧАЮЩИХСЯ В РАЗНЫХ УЧЕБНЫХ ЗАВЕДЕНИЯХ

Л.Р. Аветисян

Приведены результаты наблюдений за состоянием здоровья и физического развития учащихся VIII-X классов школ с различным профилем обучения (в школах N1 и N3 интенсификация обучения идет за счет не только увеличения количества часов, но и за счет расширения программного материала, введения новых учебных предметов, использования новых, в том числе и авторских педагогических технологий, в школе N2 интенсивно изучают только математику и физику, школа N4—общеобразовательная).

Динамические исследования показали, что состояние здоровья и физическое развитие учащихся школ интенсивного обучения страдают в большей степени, чем у их сверстников общеобразовательной школы.

THE PECULIARITIES OF THE PUPILS' HEALTH STATUS AND PHYSICAL DEVELOPMENT IN EDUCATIONAL INSTITUTIONS OF DIFFERENT TYPES

L.R. Avetisian

In the article the results of the examination of the children's health status and physical development in different types of schools are represented. In the beginning of the study the health status and physical development of children in intensive educational schools is higher, but the studies show that the loss of the children's health in the dynamics of four years is more in the children at the schools with intensive regime.

1. Մեղեղյան Ռ.Հ. Դպրոցականների ուսումնական գործունեությունը և նրանց առողջության պահպանման խնդիրները: Երևան, 1998:
2. Բարսեղյան Ռ.Հ., Ղարիբյան Ջ.Ղ., Ինճիկյան Օ.Հ. և այլն. Դպրոցականների ուսումնական գործունեությունը և նրանց առողջության պահպանման խնդիրները: Երևան, 1998:
3. Մարդիկյան Մ.Ս., Հարությունյան Ս.Ս., Թադևոսյան Ս.Է.: Դպրոցականների ուսումնական գործունեությունը և նրանց առողջության պահպանման խնդիրները: Երևան, 1998:
4. Адаптация организма учащихся к учебной и физической нагрузкам. Под ред. А.Т. Хрипковой М.В. Антиповой, М., 1982.
5. Ананьева Н.А., Ямпольская Ю.А. Вестн. РАМН, 1993, 5, с. 21.
6. Ананьева Н.А., Ямпольская Ю.А. Школа здоровья, 1994, т. 1, 1, с. 70.
7. Кучма В.Р., Суханова Н.Н. Камечкина Н.А., Каретина С.А. Гиг. и сан., 1996, 1, с. 27.
8. Ямпольская Ю.А., Пляскина И.В. Экономическая антропология. Ежегодник, Минск, 1998, вып. 3, с. 87.
9. Ямпольская Ю.А., Михайлова С.А. Гиг. и сан., 1993, 11, с. 35.